

五礼通考

第七
卷十
册

五禮通考卷第一百五十九

內廷供奉禮部右侍郎金匱秦舊編輯

翰林院編修嘉定錢大昕

參校

李太保總督蘇都御史桐城方觀鵠訂

直隸按察司使元和宋宗元

嘉禮三十二

饗燕禮

儀禮公食大夫禮

鄭目錄云主國君以禮食小聘大夫之禮於五禮屬嘉禮疏篇中薦豆六黍稷六簋庶羞十六豆此等皆是

下大夫小聘之禮下乃別言食上大夫之法聘禮據侯伯之大聘此篇小聘大夫者周公設經互見爲義不言食賓與上介直言大夫者小聘上介乃是士是以直云大夫兼得大夫聘賓與上介亦兼小聘之賓

公食大夫之禮使大夫戒各以其爵

注戒猶告也告之必使同班敵者易以相親敬疏此篇

雖據子男大夫爲正兼見五等諸侯大聘使卿之事故云各以其爵也

上介出請入告

注問所以爲來事

三辭

受賜不敢當

疏既先受賜謂聘日致饗受賜大禮故今辭

賓出拜辱

注拜使者屈辱

來迎

大夫不答拜將命

注不答拜爲人使也將猶致也

賓再拜稽首

注受命

大夫還

注復賓不拜送遂從之

注不拜送者爲從之不終事遂從之而云拜辱拜送者以主人先反不相隨故

疏鄉飲鄉射戒賓

也。親禮使者勞賓侯氏送于門外遂從之。使者既不先反猶拜送者尊天子使故也。

蕙田案以上戒賓

賓朝服卽位於大門外如聘

注於是朝服則初時元端如聘亦入於次侯疏云大門外如聘者則賓主設

摛介以相待如聘時賓在館拜所戒大夫卽元端賓遂從大夫至君大門外入次乃去元端著朝服出次卽位也聘禮重賓發館卽皮弁此食禮輕及大門乃朝服

卽位具

注主人也摛者侯君于大門外卿大夫士序及宰夫具其饌物皆于大門之外

盛氏世佐曰卽位謂自公以下也具官各饌其所供之物也燕禮告具而後卽位此卽位乃具者食重於燕也

蕙田案經言卽位不言主人者上言賓卽位則此爲主人可知也敖氏以卽位仍屬賓者非郝氏又連上文如聘卽位爲句尤誤

又案以上卽位

羹定

注肉謂之羹定猶熟也著之者下以爲節

甸人陳鼎七當門南面西上設局鼎

鼎若東若編

注七鼎一大牢也甸人冢宰之屬兼亨人者南面西上以其爲賓統于外也局鼎扛所以舉之者也凡鼎兩蓋以茅爲之長則

東本短則編其中央今文局作鉉疏聘禮致飧與饗陳皆九鼎此亦一大牢而七鼎者食禮輕無鉉魚鮮腊與聘禮一牢鼎七同也案亨人職云掌其鼎饗以

甸師職云掌以薪蒸設外內養之事故使甸人兼亨人陳鼎也

設洗如饗

注必如饗者先饗後食如其近者也饗禮亡燕禮則設洗於階東

南疏引燕禮者欲見

小臣具槃匱在東堂下

注爲公盥也公尊不就洗小臣於小賓客饗食

設洗之法燕與饗食同

掌正君服位疏夏官小臣職云

小祭祀賓客饗食如大僕之法

敖氏繼公曰凡行禮其以槃匱盥而不就洗者尊者一人而

已有敵者則否不言簞巾文略耳祭禮有槃匱必有簞巾

欽定義疏夏官小臣職大祭祀朝覲沃盥此諸侯之

小臣故主沃盥

宰夫設筵加席几

注設筵于戶西南面而左几公不賓至授几者親設清醬可以略此

無尊

注主於食不獻酬

敖氏繼公曰言此者

嫌酒漿或用尊也

飲酒漿飲俟於東房

注飲酒清酒也漿飲載漿也其俟奠于豐上也飲酒先言飲明非獻酬之酒也漿飲先言漿別於六

飲也

疏載之言載以其汁滓

相載故云載漢法有此名也

凡宰夫之具饌於東房

注几非一也飲食之具宰夫所

掌也酒漿不在凡中

者雖無尊猶嫌在堂

敖氏繼公曰此所饌

者謂豆簋簠也

蕙田案以上陳設

公如賓服迎賓於大門內

注不出大門降於國君疏自此盡階上北面再拜稽首言主君迎賓拜至之事

大夫納賓

注大夫謂上撰也納賓以公命

賓入門左公再拜賓辟再拜稽首

注左西方賓位也辟

逡遁不敢當君拜也

欽定義疏聘禮公迎賓再拜賓辟不答拜者以公爲聘

君而拜已不敢承其禮也此則爲食已而拜故旣辟

還復再拜稽首

公揖入賓從

注揖入道之

及廟門公揖入

注廟廟廟也言廟者皆據廟廟若非廟廟則

言廟祧受聘在祖廟食饗在廟燕禮又在寢是其差次也

賓入三揖

注每曲揖及當碑揖相人偶

至於階三讓

注讓先升

公升二等賓升

注遠下人君

放氏繼公曰此下大夫與公升階之儀乃

與卿同然則升階尊卑之差不過一等

大夫立於東夾南西面北上

注東夾南東西節也取節于夾明東於堂疏此主國卿大夫立位序西爲正

堂序東有夾室立於夾室之南是東於堂也

士立於門東北面西上

注統于門者非其正位辟實在此疏燕禮大

射士在西方東面北上不統于門今統于門者以賓在門西辟賓在此非正位故也

小臣東堂下南面西上宰

東夾北西面南上

注宰宰夫之屬也古文無南上

敖氏繼公曰宰大宰也宰尊官於此乃見之者位定在後耳南上二字古文無之經惟言宰是獨立於此也南上之文無所用之傳寫者因下文而衍此二字

官宜從古文

欽定義疏此宰內宰也天宮內宰凡賓客之裸獻瑤爵皆贊致后之賓客之禮侯國之內宰亦當然也饗賓則夫人亞裸此食禮殺於饗夫人不親內宰位於東夾之北以見外內之官備所以示夫人敬客之意也下經授公醬梁及爲賓設豆簋鉶稻者皆宰夫也宰惟授公涪視宰夫爲尊則宰非宰夫之屬明矣大宰爲司徒之兼官三卿之長不應不立於東夾南而在東夾北也注爲南上二字所惑故以宰夫之屬言之敖氏以爲大宰則亦未詳於外內之辨也其下卽內官之士豈其倫乎

觀承案內官之南上者統於宰而宰之南上

者又統於君以其位在東夾之北則君在南

固宜以南爲上耳謂此二字爲衍恐亦未然

內官之士在宰東北西面南上

注夫人之官內宰之屬也自卿大夫至此不先卽位從君而入者明助君

饗食賓自無事

欽定義疏此爲內宰之屬則位於其上者爲內宰明矣

此內官士也非奄也

介門西北面西上

注西上自統於賓也然則承攬以下立於土西少進東上

注云承攬以下立於土西少進東上者以介統於賓而西上則攬統于君而東上可知又承攬是大夫尊於士故知少進東上也不言上攬者上攬有事其位不定故不言

蕙田案以上迎賓

公當楣北鄉至再拜賓降也公再拜

注楣謂之梁至再拜者興禮俟賓嘉其來也公再拜

賓降矣疏至再拜者公方一拜賓卽降公再拜者賓降後又一拜本當再拜故皆以再拜言之

賓西階東北面答拜

注西階東少就主君敬也

欽定義疏已國之臣拜位在阼階下燕禮主人獻公二

大夫勝爵於公皆是也若爲賓則拜於西階下燕禮

大夫爲賓者是也聘禮私覲賓降拜於階東視階下

爲稍東別於主君也此亦然故注以爲少就主君也

擯者辭

注辭拜於下

拜也公降一等辭曰寡君從子雖將拜興

也

注賓降再拜公降擯者釋辭矣賓猶降終其再拜稽首興起也

欽定義疏賓在西階東欲答拜時擯者卽辭之而賓拜

自若故曰拜也公見其不聽擯者之辭乃降一等以

示親辭而擯者致辭曰寡君從子而降矣子雖將拜

其興也容此兩辭之閒而賓之再拜已訖非謂賓拜

未再得辭卽興若然則上文賓升不得謂已拜矣

賓栗階升不拜

注自以已拜也栗實栗也不拾級連步趨主國君之命不拾級而下曰走

張氏爾岐曰升降有四法拾級連步謂兩足相隨不相過是尋常升階法栗階者始升猶驚足連步至近上二等左右足各一發而升堂是趨君命之法故燕

禮記云凡栗階不過二等又此經注不拾級而下曰走疏以爲越三等是下階近地三等卽不聚足也又云越一等爲厯階其爲四法

命之成拜階上北面再拜稽首

廷賓降拜主君辭之賓雖終拜於主君之意猶爲不成

敖氏繼公曰拜下者臣也拜於上者賓也既升而命之成拜所以賓之

蕙田案以上拜至

士舉鼎去鼎於外次入陳鼎於碑南南面西上右人抽

扃坐奠於鼎西南順出自鼎西左人待載

廷入由東出由西明爲賓也今文奠爲委

古文待爲待

疏次入序人也去鼎于外者以入當載于俎故去之土喪土虞皆入乃去鼎喪禮變于吉也

敖氏繼公曰次入鼎在西者先在東者後也碑下脫一南字西南之南衍文皆賓寫誤也順出以次而出也順出正禮也其或逆出由便耳

盛氏世佐曰鼎南面以西爲右右人在鼎西故抽扃

卽奠於其西便也南順言奠扃之法南北設之順鼎

面也舉鼎之時扃橫加於鼎上及其奠也直設於鼎

旁故云順也出自鼎西謂右人奠扃訖卽自鼎西而

出也上云次入則出亦以次可知故不須言順出惟

逆出乃著之以其變於初也敖氏分句不審乃以西
南之南爲衍字過矣

蕙田案碑南南面石經及古本俱缺一南字
監本有之蓋後人所增也經云士舉鼎次入
不云次出者舉人以見出也下文旅人取匕
甸人舉鼎順出不云次入者舉出以見入也
敖君善以下有順出之文疑南字爲衍失之
矣當從盛氏爲是

雍人以俎入陳於鼎南旅人南面加匕於鼎退

注旅人雍人
之屬旅食者

也雍人言入旅人言退文互相備也出入之
由亦如舉鼎者匕俎每器一人諸侯官多也

敖氏繼公曰雍人西面於鼎南陳俎俎

南順旅人南面於鼎北加匕匕北枋

大夫長盥洗東南南西面北上序進盥退者與進者交於

前卒盥序進南面匕

注長以長幼也序
猶更也前洗南

載者西面

注載者左人也
亦序自鼎東西

面於其前大夫七則載之疏待載時在鼎東南面今大夫鼎北面南七之左人常載故序自鼎東西面俎當鼎南則載者在鼎南稍東

敖氏繼公曰南面立於鼎後也七出鼎實也西面執俎以載也

魚腊飪

注飪熟也食禮宜熟饗有腥者疏上文直言羹定肉謂之羹恐魚腊不在其中故此特著魚腊飪也樂記大饗俎腥魚是饗禮有腥也又春秋傳王享有體薦以饗禮用體薦則腥矣豚解者皆腥也

蕙田案疏引大饗俎腥魚證饗之用腥然彼

大饗謂祫祭先王非饗賓客也賈氏誤矣其

云豚解者皆腥則得之

載體進奏

注體謂牲與腊也奏謂皮膚之理也進其理本在前下大夫體七

六豆二十豆是也進其理本在前者此謂生人食法故進本本謂近上者若祭祀則進末故少牢云進末鄭云變于食生是也

魚七縮俎寢

注右首也寢右進鬻也乾魚近腴多骨鯁疏縮縱也魚在俎爲縱於人亦橫

右

賓在戶隔之閒南面俎則東西陳之魚在俎首在右腹腴鄉南鬻脊也進脊在

北鄉賓是取脊少骨鯁者以饗賓也若祭祀則進腴以鬼神尚氣腴者氣之所聚故少牢進腴是也

腸胃七同俎

注以其同類

羊腴賤也此俎實凡二十八疏牛羊同是畜類又其腹腴賤故略之同俎也牛羊各有腸胃腸胃各七四七二十八也

倫膚七

注倫理也謂精理滑脆者

之皮革爲之

腸胃膚皆橫諸俎垂之

注順其在性之性也腸胃垂及俎拒

大夫既

匕匕奠於鼎逆退復位

正事畢宜由便也士匕載者又待設俎

敖氏繼公曰匕奠於鼎謂加匕於鼎上也位東夾南

蕙田案以上鼎入載俎

公降盥

注將設醬

賓降公辭

注辭其從已

卒盥公壹揖壹讓公升賓升

注揖讓皆一殺於初

欽定義疏凡降盥而升皆一揖以距階近無三揖之位

也始至於階三讓此惟一讓則殺於初矣亦公升二

等而後賓升

宰夫自東房授醯醬

注授授公也醯醬以醯和醬長丈六尺于堂上戶牖之間南面設之乃設正饌

疏案記云蒲筵常

於中席已東自中席已西設席羞也

公設之

注以其為饌本

賓辭北面坐遷而東遷所

注東遷所

奠之東側其故處疏東遷所者謂以西為上君設當席中故東遷之辟君設處側近也近其故處

敖氏繼公曰東遷所東遷於其所也所者謂醬之正位也公設之處於其正位必少西少西者為賓當遷之故也遷之者示不敢當公親設之意且以為禮也

蕙田案以上公親設醬正饌之一

公立於序內西鄉

近北者以設饌在戶西近北今君亦近北示親監饌

疏君之行事皆在阼階上今

賓立於階西疑立

疑不立階上以主君離阼也疑正立也自定之說今文曰西階

宰夫自東房

薦豆六設於醬東西上韭菹以東醯醢昌本昌本南麋

鬱以西菁菹鹿藿

也醢有骨謂之鬱菁菁菹也

蕙田案以上宰夫設豆正饌之二

士設俎於豆南西上牛羊豕魚在牛南腊腸胃亞之

亞

不言紉錯俎尊也疏上設豆紉陳之下設黍稷錯陳之此設俎不紉不錯

膚以爲特

注直豕與腸胃東也特膚者出下牲賤疏豕在牛

羊之下膚豕之所出故云賤也

旅人取匕甸人舉鼎順出奠於其所

注以其空也其所謂

門當

敖氏繼公曰甸人加局乃舉鼎其出也亦必先而鼎後

蕙田案以上士設俎正饌之三

宰夫設黍稷六簋於俎西二以竝東北上黍當牛俎其

西稷錯以終南陳

注竝併也

蕙田案以上宰夫設簋正饌之四

大羹清不和實於鐙宰右執鐙左執盞由門入升自阼

階盡階不升堂授公以盞降出入反位

大羹清煮肉汁也大羹清不和無鹽菜瓦

豆謂之鐙宰謂大宰宰夫之長也有盞者饌自外入爲風塵今文清爲汁又曰入門自阼階無升

疏宰位在東夾北西面南上今以盞降出送門外乃更入反此

也位

李氏如圭曰清升自阼

階者公親設之故也

敖氏繼公曰自門入者清在饌也士昏

禮曰大羹清在饌記曰亨於門外東方

欽定義疏大羹清皆盛於鐙經特於此見之清與鉶爲

類特牲禮主婦設兩鉶隨設大羹清但以清由門外

入故設之不以主婦耳其實主婦職也此禮宰執之

以授公亦足見宰之爲內宰矣

公設之於醬西賓辭坐遷之

注亦遷東所

盛氏世佐曰遷清之法與醬同

蕙田案以上公親設大羹滂正饌之五

宰夫設鉶四於豆西東上牛以西羊羊南豕豕以東牛

注鉶菜和羹之器疏記云牛藿羊豕豕微是菜和羹以鉶盛之羹在鉶言之謂之鉶羹據器言之謂之鉶鼎正鼎之後設之謂之陪鼎入庶羞言之謂之羞鼎其實一也

蕙田案以上宰夫設鉶正饌之六

飲酒實於觶加於豐

注豐所以承觶者也如豆而卑

宰夫右執觶左執豐進

設於豆東

注食有酒者優賓也設於豆東不舉也燕禮記曰凡奠者於左疏案下文宰夫執漿飲賓與受惟用漿醑口不用酒今主人猶設

之是優賓也此酒不用故奠于豆東案鄉飲酒鄉射記皆云凡奠者于左舉者于右注云燕禮記者必傳寫者之誤

楊氏復曰上文飲酒漿飲侯于東房疏云酒漿皆以醑口此又云漿以醑口不用酒今主人猶設之所以優賓兩說抵牾不同又案下文祭飲酒於上豆之間魚腊醬滂不祭夫魚腊醬滂不祭而祭飲酒則知酒以優賓但賓不舉兩豕醑口之物哉當以優賓之義為正

蕙田案以上宰夫設飲酒正饌之七

宰夫東面坐啟簋會各卻於其西

注會簋蓋也亦一一合卻之各當其簋之西

疏卻者仰也簋

蓋有六兩兩相重而仰之少牢云佐食啟會蓋二以重設於敦南也

蕙田案簋設於羹滂之先至是始啟之事有節也

欽定義疏正饌醬最先設次則豆由房出又次則俎自階升又次則簋由房出又次則滂自階升至鉶則復由房出其上下設饌之人亦相閒以成禮如此

蕙田案以上設正饌

贊者負東房南面告具於公

注贊東房負房戶而立也南面者欲得鄉公與賓也

公再拜

揖食

注再拜拜賓饌具

賓降拜

注答公拜

公辭賓升再拜稽首

注不言成拜降未拜

賓

升席坐取韭菹以辯擣於醢上豆之間祭

注擣猶染也

敖氏繼公曰此所擣者醢醢以下五豆惟云醢者省文耳少牢饋食用四豆尸取韭菹擣于三豆是其徵也

贊者東面坐取黍實於左手辯又取稷辯反於右手興

以授賓賓祭之

注取授以右手便也賓亦興受坐祭之於豆祭也獨云贊興與優賓也少儀曰受立授立不坐

疏此所授者皆謂遠

賓者菹醢及鉶不授以其近賓也雖不授亦祭之

敖氏繼公曰辯謂辯取于三簋先黍後稷不欲其雜也每取黍稷皆以右手實于左手既則反於右手也亦壹以授賓不言壹者已明也

三牲之肺不離贊者辯取之壹以授賓注肺不離者剝之也不言剝則祭肺也此舉

肺不離而剝之便賓祭也祭賓與受坐祭注於是云賓與受坐祭重牲也賓亦每肺與受祭於豆祭

離肺者絕肺祭也壹猶稍也張氏兩岐曰離而不殊留中央少許相連謂之離肺剝則切斷之故云不離祭

離肺者必用手絕斷其連處剝肺則否故注云便賓祭也壹說文訓專壹廣韻訓合當是總合授賓使之祭如上文祭黍稷之例注云壹猶稍也又云每肺與受恐與經未合食禮本殺節文不宜如是其煩

方氏苞曰注豆祭似當作際傳寫誤也

挽手扱上鉶以柶辯擣之上鉶之間祭注扱扱其鉶菜也扱拭也扱以巾

敖氏繼公曰扱上鉶以柶謂以內列牛鉶之柶扱其鉶也辯擣之遂以柶擣三鉶也

欽定義疏辯擣之謂以上鉶之菜擣於餘鉶之汁所以

示辯也

祭飲酒於上豆之間魚腊醬清不祭注不祭者非食物之盛者

祭若入庶羞則祭之

敖氏繼公曰魚腊屬于牲醬屬于豆清屬于鉶故雖設之亦不祭也不言腸胃膚者在魚腊之下不祭可知